

Na osnovu odredbi člana 8. Zakona o radu u institucijama Bosne i Hercegovine (Službeni glasnik BiH broj: 26/04, 7/05, 48/05, 60/10, 32/13 i 93/17), člana 50. i 53. Statuta BHRT, člana 15. Pravilnika o radu BHRT-a, te Odluka generalnog direktora BHRT-a broj: 101-3369/20 i broj: 101-3370/20 od 24. 12. 2020. godine, Radiotelevizija Bosne i Hercegovine raspisuje

JAVNI OGLAS

ZA POZICIJE:

1. DIREKTOR SEKTORA TELEVIZIJA BHRT-BHT1

- jedan (1) izvršilac na neodređeno vrijeme sa probnim radom u trajanju od šest (6) mjeseci
- mandat direktora Sektora Televizija BHRT-BHT1 traje pet (5) godina,

2. UREDNIK DESKA U SEKTORU TELEVIZIJA BHRT-BHT1

- tri (3) izvršioca na neodređeno vrijeme sa probnim radom u trajanju od šest (6) mjeseci,

3. PRODUCENT/UREDNIK U SEKTORU TELEVIZIJA BHRT-BHT1

- dva (2) izvršioca na neodređeno vrijeme sa probnim radom u trajanju od šest (6) mjeseci,

4. INŽINJER II u Sektoru RTV produkcija

- tri (3) izvršioca na neodređeno vrijeme sa probnim radom u trajanju od šest (6) mjeseci.

UVJETI:

Pored općih uvjeta predviđenih čl. 10. Zakona o radu u institucijama BiH, (da kandidat ima navršenih 18 godina života, da je državljanin Bosne i Hercegovine, da protiv njega nije pokrenut krivični postupak za krivično djelo za koje je predviđena kazna zatvora tri i više godina ili da mu nije izrečena zatvorska kazna za krivično djelo učinjeno s umišljajem u skladu s krivičnim zakonima u Bosni i Hercegovini, da nije obuhvaćen odredbom člana IX stav 1. Ustava Bosne i Hercegovine, da je fizički i psihički sposoban za obavljanje poslova radnog mjesta na koje se prijavio), kandidati trebaju ispunjavati i posebne uvjete predviđene općim aktima BHRT-a:

Za poziciju 1.

- da posjeduju visoku stručnu spremu (VII stepen),
- da posjeduju aktivno znanje jednog svjetskog jezika,
- da imaju najmanje tri godine radnog iskustva na funkcijama u elektronskim medijima,
- da poznaju tehnologije proizvodnje i emitiranja televizijskog programa,
- da su iskazali organizacione i rukovodeće sposobnosti potvrđene u prethodnom radu,
- da posjeduju sposobnost vođenja, motiviranja i rukovođenja timovima,
- da posjeduju sposobnost procjene prioriteta, donošenja kompleksnih i teških odluka, te postavljanja i implementacije ciljeva,

- da posjeduju odličnu uređivačku procjenu, razumijevanje osnovnih finansijskih principa, sposobnost upravljanja budžetima, izrazite vještine u komunikaciji i pregovaranju, te fleksibilnost, kreativnost, integritet i otvorenost za nove ideje,
- da imaju prebivalište u Bosni i Hercegovini.

OPIS POZICIJE:

Direktor Sektora BHT1 rukovodi Sektorom i obavlja poslove u skladu sa Zakonom i Statutom BHRT-a.

Za poziciju 2.

- VSS (fakultet društvenog smjera VII stepen ili ekvivalent Bolonjskog sistema studiranja sa ostvarenih 240 ECTS bodova),
- najmanje pet (5) godina radnog iskustva,
- značajno iskustvo rada u novinarstvu/informativnom programu,
- poznavanje TV produkcije,
- odlična uređivačka procjena,
- sposobnost motiviranja i rukovođenja timom,
- sposobnost rada pod pritiskom i unutar kratkih rokova,
- profesionalni integritet,
- spremnost na samostalno pripremanje i uređivanje informativnih emisija,
- dobre vještine u komunikaciji,
- poznavanje digitalne montaže,
- poznavanje engleskog jezika.

OPIS POZICIJE:

Urednik DESKA urednički je odgovoran za plan i realizaciju informativnih emisija, učestvuje u definiranju strategije razvoja Informativnog programa BHT1.

Za poziciju 3.

- VSS (fakultet društvenog smjera VII stepen ili ekvivalent Bolonjskog sistema studiranja sa ostvarenih 240 ECTS bodova),
- tri (3) godine radnog iskustva,
- poznavanje TV tehnologije,
- sposobnost za samostalno pripremanje i uređivanje TV emisija visokog profesionalnog kvaliteta,
- kreativnost, sposobnost za timski rad,
- odlično poznavanje rada na računaru i znanje engleskog jezika,
- zavisno od programskog odjela u kojem radi potrebna fonogeničnost i fotogeničnost.

OPIS POZICIJE:

Producent/urednik priprema najsloženije projekte, emisije i priloge na visokom profesionalnom nivou, organizuje poslove planiranja, realizacije i analize programa koji uređuje.

Za poziciju 4.

- VSS (visoka stručna sprema VII stepen ili ekvivalent Bolonjskog sistema studiranja sa ostvarenih 240 ECTS bodova, smjer elektronika, automatika ili telekomunikacije),
- jedna (1) godina radnog iskustva u TV tehnologijama,
- poznavanje engleskog jezika,
- poznavanje složenijeg rada na računaru, uključujući instalacije programa.

OPIS POZICIJE:

Inženjer II obavlja poslove sistemske administracije i održavanja IT baziranog digitalnog sistema za proizvodnju, obradu i reprodukciju televizijskog/radijskog programa i tehničke podrške korisnicima.

POTREBNA DOKUMENTACIJA

Uz aplikaciju sa kraćom biografijom, adresom i kontakt telefonom, kandidati trebaju priložiti u originalu ili ovjerenj fotografiji sljedeću dokumentaciju:

- uvjerenje o državljanstvu, ne starije od šest (6) mjeseci od dana izdavanja od nadležnog organa,
- prijavu prebivališta,
- dokaz o stručnoj spremi, dokaz o znanju jednog svjetskog jezika za poziciju 1 te dokaz o poznavanju engleskog jezika za pozicije 2. 3. i 4,
- dokaz o traženom radnom iskustvu, nakon sticanja VSS (potvrde ili uvjerenja),
- program rada i razvoja Sektora (za poziciju 1),
- ovjerenu izjavu u vezi sa članom IX tačka 1. Ustava Bosne i Hercegovine,
- ovjerenu izjavu da kandidat ne obavlja izvršnu, zakonodavnu ili sudsku funkciju na bilo kom nivou vlasti u Bosni i Hercegovini, da nije vlasnik, odnosno suvlasnik preduzeća koje obavlja djelatnost radijskog ili televizijskog emitiranja, te da njegova funkcija nije nespojiva sa Zakonom o sukobu interesa po bilo kojoj osnovi (za poziciju 1),
- uvjerenje o nevođenju krivičnog postupka, ne starije od tri (3) mjeseca, (može se dostaviti i na intervjuu).

Uvjerenje o radnoj sposobnosti (ljekarsko uvjerenje) izabrani kandidat dostavlja prilikom zaključenja Ugovora o radu.

OGLAŠAVANJE I ROK ZA PODNOŠENJE PRIJAVA

Javni oglas će biti objavljen u dnevnim listovima „Avaz“, „Nezavisne novine“ i „Večernji list“ i na internetskoj stranici BHRT-a, te u skraćenoj verziji na programima BHR1 i BHT1.

Rok za podnošenje prijava je 12. 1. 2021. godine.

Nepotpune i neblagovremene prijave, te prijave kandidata koji ne ispunjavaju uvjete oglasa, kao i prijave koje sadrže kopiju dokumentacije koja nije ovjerena, neće se uzimati u razmatranje.

Sa kandidatima koji ispunjavaju navedene uvjete oglasa bit će obavljen intervju.

Razmatranje prijava kandidata, utvrđivanje užeg izbora kandidata i obavljanje intervjua sa kandidatima, obavit će Komisija za izbor zaposlenika.

Kandidati će biti obaviješteni o ishodu javnog oglasa.

Prijave dostaviti lično ili poštom u zatvorenoj koverti sa navođenjem pozicije na koju se konkuriira i naznakom „NE OTVARAJ“, na adresu:

RADIOTELEVIZIJA BOSNE I HERCEGOVINE

Služba za ljudske resurse

Bulevar Meše Selimovića broj 12

71 000 SARAJEVO